


叢書集成三編 第四〇冊目錄

文學類



詩文別集——清

蠶尾集十卷(自卷九至十，續集一卷後集二卷)	清	王士禎撰	王漁洋中研所	〇四〇	〇〇一
古歡堂集八卷	清	田雯撰	筆記續編	〇四〇	〇八五
袁家三妹合稿四卷	清	袁枚輯	隨園	〇四〇	一〇七
繡餘吟稿一卷	清	袁棠撰	隨園	〇四〇	一〇九
盈書閣遺稿一卷	清	袁棠撰	隨園	〇四〇	一一四
樓居小草一卷	清	袁杼撰	隨園	〇四〇	一一七
素文女子遺稿一卷	清	袁機撰	隨園	〇四〇	一二〇
玉筍山房要集四卷附文一卷	清	顧廷綸撰	顧氏中研所	〇四〇	一二三
石頭山人遺稿一卷	清	黎愷撰	黎氏中研所	〇四〇	一五九
鷗(滙)堂贗稿一卷(五周先生集之五)	清	周星譽撰	冒氏台大	〇四〇	一七五
添丁小西之廬詩草一卷附楚生文存一卷	清	董良玉撰	董氏台大	〇四〇	一八五
漱塵室集詩四卷文一卷	清	顧廸光撰	顧氏中研所	〇四〇	二〇七


詩別集——唐

李嶠雜詠一卷(僅存卷上部分內容)	唐	李嶠撰	佚存	〇四〇	二三九
李義山詩集三卷	唐	李商隱撰	清紀昀集錄	鏡	〇四〇
詩別集——宋			煙中研所		二四七

後山集鈔三卷	清	紀昀集錄	鏡	煙	中研所	〇四〇	三二一
感興詩注一卷(又名:文公朱先生感興詩)	宋	朱熹撰	蔡模注	佚	存	〇四〇	三六九
毅齋詩集別錄一卷	宋	徐僑撰	宛委選			〇四〇	三八七
巽齋小集一卷(又名:驪塘)	宋	危稹撰	南宋群賢			〇四〇	四〇一
菊澗小集一卷	宋	高翥撰	南宋群賢			〇四〇	四〇七
梅屋吟一卷	宋	鄒登龍撰	南宋群賢			〇四〇	四二一
北牕詩藁一卷	宋	余觀復撰	南宋群賢			〇四〇	四二九
鷗渚微吟一卷	宋	趙崇錫撰	南宋群賢			〇四〇	四三三
學吟一卷	宋	朱南杰撰	南宋群賢			〇四〇	四三九
雅林小藁一卷	宋	王琮撰	南宋群賢			〇四〇	四四七
菊潭詩集一卷	宋	吳惟信撰	南宋群賢			〇四〇	四五三
庸齋小集一卷	宋	沈說撰	南宋群賢			〇四〇	四五九
吾竹小藁一卷	宋	毛珣撰	南宋群賢			〇四〇	四六九
皇荅曲一卷	宋	鄧林撰	南宋群賢			〇四〇	四八一
梅屋詩藁一卷融春小綴一卷梅屋第三藁一卷梅屋第四藁一卷	宋	許棐撰	南宋群賢			〇四〇	四九三
竹莊小藁一卷	宋	胡仲參撰	南宋群賢			〇四〇	五一五
東齋小集一卷	宋	陳鑒之撰	南宋群賢			〇四〇	五二五
芸隱橫舟藁一卷勸游藁一卷	宋	施樞撰	南宋群賢			〇四〇	五三五
竹所吟藁一卷	宋	徐集孫撰	南宋群賢			〇四〇	五五九
雲臥詩集一卷	宋	吳汝式撰	南宋群賢			〇四〇	五七五
適安藏拙餘藁一卷乙藁一卷	宋	武衍撰	南宋群賢			〇四〇	五七九
疏寮小集一卷補遺一卷	宋	高似孫撰	南宋群賢			〇四〇	五九三
靖逸小集一卷	宋	葉紹翁撰	南宋群賢			〇四〇	五九九
秋江煙草一卷	宋	張弋撰	南宋群賢			〇四〇	六〇七
招山小集一卷	宋	劉仙倫撰	南宋群賢			〇四〇	六一五

wt 4p/10

看雲小集一卷·····	宋 黃文雷撰·····	南宋群賢·····	〇四〇 六二三
抱拙小藁一卷·····	宋 趙希樸撰·····	南宋群賢·····	〇四〇 六三三
檜亭吟稿一卷·····	宋 葛起耕撰·····	南宋群賢·····	〇四〇 六三九
雲泉詩一卷·····	宋 薛 嵎撰·····	南宋群賢·····	〇四〇 六四五
葛無懷小集一卷·····	宋 葛天民撰·····	南宋群賢·····	〇四〇 六七九
小山集一卷·····	宋 劉 翰撰·····	南宋群賢·····	〇四〇 六九一
雪牕小集一卷·····	宋 張良臣撰·····	南宋群賢·····	〇四〇 六九七
斗野藁支卷一卷·····	宋 張 蘊撰·····	南宋群賢·····	〇四〇 七〇三
露香拾藁一卷·····	宋 黃大受撰·····	南宋群賢·····	〇四〇 七一一
竹溪十一藁詩選一卷·····	宋 林希逸撰·····	南宋群賢·····	〇四〇 七一九
耀翁詩集二卷·····	宋 敖陶孫撰·····	南宋群賢·····	〇四〇 七三三
靜佳乙藁一卷靜佳龍尋藁一卷·····	宋 朱靜芳撰·····	南宋群賢·····	〇四〇 七四九
山居存藁一卷·····	宋 陳必復撰·····	南宋群賢·····	〇四〇 七六七
端隱吟藁一卷·····	宋 林尙仁撰·····	南宋群賢·····	〇四〇 七七三



王孟
昆虫
尾集
下

本書承中央研究院歷史語言研究所借用影印

謹此

致謝

新文豐出版公司 謹啟

靈集卷九

濟南王士禎貽上甫

跋兩漢紀

古書固有晦于前而顯于後者聞見後錄云神宗惡范曄之名欲更修後漢書求東觀漢紀久之不得後高麗以其本付醫官某來上神宗已厭代矣元祐中高麗使人言狀訪于書省無知者醫已死于其家得之藏于中祕于嘗寫本于呂汲公家亦棄之兵火中矣又于官長安時或云鄠杜民家有江表志英雄傳因爲外臺言之委官以取民驚懼遽焚之世今無此三書矣今荀悅漢紀與袁宏後漢紀嘉靖間吳郡雕版甚精流傳于世當是有神物護持之耳

跋曹全碑

門人蒲城趙善昌貽曹全碑碑在漢隸中最爲完好書法圓美此碑萬曆時出于郃陽歲月未久故鮮刊缺趙岫石墨鐫華于奕正金石志始載之都元敬著金璫琳琅未及見也碑尾署中平二年十月丙辰造

跋真靈位藥圖

真靈位藥圖世傳陶貞白所造然荒唐謬悠可笑其云長史虞翻字長翔武昌人庾亮江州引爲上佐不就此似別一虞翻非吳之仲翔矣抑俚鄙誤記時代耶至以夫子爲太極上真公顏子爲明晨侍郎帝舜以服九轉神丹入九疑山得道夏禹受鍾山真人靈寶九迹法治水周公爲西明公召公爲南明公武王爲鬼官北斗君又皆傳會吾儒所稱述以自重如釋氏以至聖先師爲儒童菩薩之類尤可恨也弇州固常駁其非通明作然何物道流敢于侮聖如此當墮泥犁地獄或是林靈素劉煉一輩所造作耳

跋長短經

長短經十卷總六十三篇唐梓州郪縣長平山安昌嚴草莽臣趙蕤撰其文亦申鑒論衡之流蕤自序云大旨在乎寧固根蒂革易時弊興亡治亂具載諸篇此書流傳絕少徐健菴過任城得之市中者宋刻也按楊天惠彰明逸事云潼江趙蕤任俠有氣善爲縱橫學著書號長短經

跋杜詩二則

今人但貴宋槧本顧宋版亦多訛舛但從善本可

耳如錢牧翁所定杜集九日寄岑參詩從宋刻作兩脚但如舊而注其下云陳本作雨此甚可笑冷齋夜話云老杜詩雨脚泥滑滑世俗乃作兩脚泥滑滑此類當時已辨之然猶不如前句之必不可通也

費著撰蜀杜氏族譜云杜翊世以死節顯其世祖甫來蜀依嚴武家青城者實宗文裔世孫準皇祐五年第進士宰綿竹中卒于翊世徙成都紹聖元年第進士官至朝議大夫通判懷德軍靖康元年死節特贈正議大夫命官其後十人五子慙忱以實得官孫逸老俊老廷老曾孫光祖大臨以忠義遺澤得官今猶稱忠義杜云著此說不知何據坡詩云聞道華陽版籍中至今尚有城南杜則于美有後于蜀其信然耶

跋白孔六帖

白樂天作六帖本當時科舉之書通典載唐制帖經者以所習經掩其兩端中間微開一行裁紙爲帖八帖三字隨時增損可否不一或得四得五得六者爲通蓋取中帖之數以名其書故曰六帖

跋王建宮詞

王建宮詞每遍舞頭分兩向太平萬歲字當中今外國猶傳其制鄭麟趾高麗史云教坊女弟子奏王母隊歌舞一隊五十五人舞成四字或君王萬歲或天下太平此其遺意也

跋權文公集

唐權文公德輿集五十卷集賢殿大學士楊嗣復爲序序云別有制集五十卷湖南觀察使楊憑爲序今不在編次之內此集故友潁川劉考功公嚴得之梁谿顧孝廉修遠宸家考功子凡元歎寫以見寄者凡丙辰進士今知河南孟縣

跋樊川集

米芾畫史云潁州公庫顧凱之維摩百補是杜牧之摹寄潁守本精彩照人是小杜亦工畫也又圖畫聞見志潤州甘露寺有謝靈運畫歷代名畫記宣和畫譜皆不載其名

跋白蓮集

僧齊己白蓮集十卷風騷旨格一卷有荆南節度副使朝議郎檢校祕書少監試御史賜紫金魚袋孫光憲序嘉靖己丑柳僉跋云元書北宋刻傳世既久湮滅首卷數字當俟善本補完與皎然貫休

三集并傳之

跋大字麻姑仙壇記

往見魯公所書麻姑壇記皆小字甲戌夏景陵吳既閒驥之子鼎彥來京師求作其父遺集序遺子麻姑壇記大字末云奉議大夫建昌府知府梁伯達重建按集古錄跋麻姑壇記云顏公忠義之節皎如日月其爲人尊嚴剛勁象其筆畫而不免感於神仙之說謂此書也別有小字麻姑壇記一跋云右小字麻姑壇記或疑非魯公書余家所藏顏氏碑最多未嘗有小字者惟干祿字書注最爲小字而體法與此記不同蓋干祿注持重舒和此記道峻緊結尤爲精悍此所以疑之也及把翫久之筆畫巨細皆有法度愈看愈佳然後知非魯公不能書也陸務觀云魯公麻姑壇記有大小二本蓋用羊叔子峴山故事都元敬金薤琳琅引柳待制道傳云麻姑壇碑小字楷法尤精緊比聞舊石焚毀山中重刻無復筆意亦以小字爲顏書但謂石已不存非也吳文正云麻姑碑在吾鄉舊爲雷所破重刻至再浸失其真則被焚者乃臨川大字本而南城之石至今固無恙也云今大字本蓋臨川

舊石燬後梁君重刻於建昌者草廬所潤澤其眞者是也

跋撫言足本

撫言足本十五卷從朱竹垞翰林借鈔視稗海所刻多什之五唐人說部流傳至今者絕少此書洎封氏聞見記皆祕本可貴重當有好事者共表章之

跋唐闕史二則

唐闕史上下二卷三十一則祝京兆家藏本也校山自跋云得之丈人李太僕太僕得之海虞錢允言氏唐人小說家故自斐然此書與鑒戒錄乃似措大所爲視李肇國史補相去遠矣

唐闕史首載丁約劍解事謂約從逆帥李師道被獲獻俘闕下臨刑用幻術以筆代己自云歸崑崙石室矣語云天上無不忠孝神仙約何爲者吾郡長山劉孔和節之有詩云淮南叛諸侯趙高賊宦官神仙乃如此何足容褒彈眞篤論也否則淮南以叛自殺而道書猶妄爲鷄犬皆仙之說以誑聾俗是導逆也豈可以訓

跋五王飲酪圖

觀李中丞奉倩家周文矩畫五王飲酪圖按宣和
畫譜有文矩五王避暑圖四又圖畫見聞志玉堂
故事有南唐周文矩五王飲酪圖二此或其一耳
元人王惲有五王避暑圖一絕云翠幄留香郁棟
華紅雲縈暖鶴鴿沙豆其不免陳思歎朱李寒泉
是浪誇見秋澗集

跋吳越備史

吳越備史五卷武勝軍節度掌書記范炯節度巡
官林禹撰事止忠懿王俶戊辰年又補遺一卷明
兵部尚書王遴序予著五代詩話頗刺取之

跋武夷集

宋翰林學士楊億大年武夷新集二十卷景德丁
未大年在翰林所自編定也詩五卷雜文十五卷
閩謝在杭寫本大年以西崑體擅名宋初其詩在
同時錢劉諸公之上攬其全集警策絕少文皆聯
體大抵五季以來風氣如此而石介作怪說三篇
刺之張皇其詞亦過矣介最推柳仲塗至擬之周
孔尤妄予嘗于池北紀談辨之

跋西崑集

宋楊億錢惟演劉筠西崑酬唱集凡五七言律詩

三百四十七首屬和者十五人有楊文公自序和
者翰林學士李宗諤戶部員外郎直集賢院李維
著作佐郎直史館陳越工部員外郎直集賢院劉
鵬樞密直學士丁謂駕部員外郎直祕閣刁衍太
常丞直集賢院任隨樞密直學士張詠恩州刺史
錢惟濟職方員外郎祕閣校理監舒州靈仙觀
雅翰林學士晁迥左司諫直史館崔遵度右諫議
大夫薛映 秉已上止十四人乖厓英雄道院禪
寂以及鶴相皆仿此體然皆不及三公之神到予
觀文忠烈趙清獻二公集律詩皆擬崑體甚工而
石介作怪論三篇獨苛于文公何歟

跋宋高僧詩

宋高僧詩前後二集錢塘陳起編多近體五言予
按前集卽六一詩話所謂九僧詩也所稱春生桂
嶺外人在海門西希畫句也馬放降來地鵬盤戰
後雲宇昭句也今具載集中當永叔時已云其集
不傳世多不知所謂九僧者而此集更歷六七百

年完好如此不可曉又按周輝清波雜誌云昔傳九僧劍南並畫金華保暹南越文兆天台行肇沃州簡長青城惟鳳江東宇昭峨眉懷古淮南惠崇名字與今本悉合又云九僧詩極不多有景德五年直史館張亢所著序引惠崇人遊曲江少草入未央深之句皆不載疑爲節本或卽此本是也今亢序亦不載大抵九僧詩規撫大曆十子稍窄邊幅若河分兩勢斷春入燒痕青自是佳句而輕薄子有司空曙劉長卿之嘲非篤論也

跋李泰伯集

李泰伯觀文章皆談經濟其本領尤在周禮一書范文正公薦之以爲著書立言有孟軻揚雄之風在北宋歐蘇曾王間別成一家予嘗病其不能詩長夏借讀盱江集絕句乃頗有似義山者如王方平云五百餘年別恨多東征重得見青蛾擗麟始擬窮歡樂不奈閒人背痒何壁月云壁月迢迢出暮山素蛾心事問應難世閒最解悲圓缺祇有方諸淚不乾梁帝云凝旒南面總虛名廟祀何曾暫割牲但學禪心能忍辱莫羞侯景陷臺城送僧遊廬山云行非爲客住非家此去廬山況不遐要見

南朝舊人物池中惟有白蓮花憶錢塘云當年乘醉舉歸帆隱隱前山日半銜好是滿江涵返照水仙齊著淡紅衫皆有風致此集乃正德乙亥南城令孫甫刊本有祖無擇及泰伯自序最爲完善于家藏本差不及

跋趙清獻集

趙清獻集有劾陳恭公執中嬖妾殺婢二奏反復不遺餘力予竊不謂然一日讀范蜀公疏言今陰陽不和財匱民困盜賊滋熾獄犴充斥執中當任其咎臺省拾大責細暴揚燕私若因此爲進退是因一婢逐一相非所以明等級辨堂陛也不覺歎服如蜀公者真可以爲宰相矣元祐之初獨高臥不起其風概又出元祐諸賢之上

跋稽古錄

徐編修元正子貞貽石門呂氏新刊司馬文正公稽古錄二十卷首有文正公進表一首朱文公與鄭知院書以爲此書當與六經同進講筵良然

跋隆平集

隆平集二十卷曾子固撰紹興十二年淄國趙伯衡序云子固爲左史日嘗撰隆平集以進自太祖

至於英宗八一百六年爲書二十卷當時號爲審訂頒付史館副存于家卷首有大德少陽印楊士奇印梅花閣書畫印蓋楊文貞公故書也

跋東坡先生詩

爾雅購蔦萋郭璞注蔦萋萋也生下田初出可啖江東用蔦魚拔詩云萋萋滿地蘆牙短正是河豚欲上時七字非泛詠景物可見坡詩無一字無來歷也

跋清江三孔集

江西巡撫朱牧仲中丞寄三孔文集宋中書舍人

八卷集卷九

十一

文仲經父禮部侍郎武仲常父金部郎中平仲毅父也經父以范蜀公薦對策九千餘言力排安石

屬其怒罷歸常父詆王氏學毅父以不行新法爲

董必所劾安置英州皆元祐君子也史稱文仲集

五十卷武仲集百卷平仲有續世說珩璜新論諸

書今三孔集通厘五卷周益公序云慶元四年太

守濡須王蓮訪遺文刻之存一二于千百則三公

之文在南渡之初已多散佚今所傳五卷又非慶

元之舊矣三公以氣節重當世不甚工詩經父制

科策首嚴王霸義利之辨剴切似劉蕡其論李訓

義不顧難忠不避死而惜其情銳而器狹志大而謀淺足破羣賢拍肩之論常父論唐憲宗相皇甫鏞逐裴度蓋爲安石惠卿輩而發蝗說謂新法之害鼠說謂熙豐用事之人鷄說謂王呂之不終魯鷄以喻安石蜀鷄以喻惠卿也毅父文僅表啟無可觀蓋佳處不傳多矣惜哉

跋永嘉二劉集

宋永嘉二劉文集九卷雷元剛序安上字元禮安節字元承皆伊川弟子皆官御史安上廷勅蔡京安節追餞鄒浩葉水心題二劉集謂爲俊彥先覺之士者也集中多經義大抵如訓詁不脫兔園冊子習氣蓋當時科舉之文如此其與詩賦訂餽之陋如以五十步笑百步也

跋東坡先生小字帖

二則

山谷記東坡先生嘗自云作小字不如大字然今碑刻所傳率多大字而小字最爲難得十一弟慢亭從京師慈仁寺得小楷赤壁二賦及歸去來辭政如優鉢曇花時一現耳當什襲藏之

山谷詩云子瞻謫海南時宰欲殺之飽啖惠州飯細和淵明詩吾友黃州杜淸亦有詩云堂堂復堂

堂子瞻出我眉早讀范滂傳晚和淵明詩二作說盡東坡一生并識之

跋王魯翁篆

章丘縣北一里女郎山有宋隱士穆賓廷秀墓洛陽王壽卿魯翁題墓表篆書黃魯直有贊刻於碑額明萬曆間大名董復亨爲令移置文昌祠稱二絕按魯翁祖擇之外孫工篆隸嘗召至京師使篆字說辭以與王氏學異以布衣終陸友研北雜志云家有魯翁篆閒居賦筆力如鈕金屈鐵

跋文昌雜錄

文昌雜錄單父龐文英著宋人說部之佳者予家有寫本文英官禮部郎官丞相頴公之子也後山集有贈舅氏龐大夫詩云傳家聲烈三公後貯腹平生萬卷餘謂文英也後山爲頴公外孫又有龐謙孺字祐甫南渡後客吳興著白蘋集見吳興掌故

跋宛丘集

二則

至誠則人不忍欺古來名相唯諸葛忠武司馬文正二公足當之耳文潛以此論郭李優劣甚當至論李衛公殺郭誼之非則甚悖於理使誅郭誼爲

非將封蒼頭子密爲是耶

文潛論樓護云所貴乎遊俠者爲其身任人之患難而脫人於厄也朱家郭解雖不合于大義而其感慨雄俊先人後已故可取也樓護平生齷齪無可稱呂寬得罪王莽以其父故窮歸之豪俠立節無如此時謂宜斬莽使脫寬于死身自亡匿或以身任之而不悔如此而謂之俠可也護得詔書即日斬寬以聞莽大喜此苟偷畏懦閭里負販人耳當莽時天下畏威誰非護者而班孟堅列護與朱家郭解同謂之俠此何故也泣涕責妻子使終養呂公此朱家郭解糞土之餘耳何足道哉此論見郝梁所刻宛丘集而文粹不載予向持此論嘗著之池北紀談不知文潛先得我心也梁號龍泉山人未詳何代人

跋雪溪集

宋王銍性之雪溪集五卷詩不能佳獨曉發石牛一絕云恩恩車馬出清晨日淡風微已仲春松竹陰中山未盡梅花林外有行人寫景頗工性之別有默記若干卷今傳于世明清仲言之父也

跋世說侯鯖錄

世說新語侯鯖錄二書及白孔六帖萬花谷皆
家舊書時在順治戊子己丑閒予尚童穉未爲諸
生也予游宦三十年不能以贏金遺子孫唯嗜書
之癖老而不衰每聞士大夫家有一祕本輒借鈔
其副市肆逢善本往往典衣購之今予池北書庫
所藏雖不敢望四部七錄之萬一然亦可以娛吾
之老而忘吾之貧康熙辛未予官兵部侍郎居京
師此二書適在笈中繙閱憮然如遇貧交於契闊
死生之後其悲愉感槩有出於尋常相萬者故創
之情詎可忘耶因重裝之而手記於卷首凍筆其
珍惜之中秋前四日書

跋侯鯖錄

侯鯖錄載紹聖中貶東坡毀上清宮碑令蔡京別
撰有人過臨江驛題二詩不書姓名或云江鄰幾
于家或云張文潛作也其二云晉公功業冠吾唐
吏部文章日月光千載斷碑人膾炙不知世有段
文昌此詩因坡公而發特以退之淮西事爲譬非
元和閒人作也其言吾唐者是時黨禁方嚴故託
之前代云爾以爲直言淮西事者誤矣

跋西塘集

一拂先生少隨父游宦金陵讀書清涼山寺深爲
王介甫所器鄱陽楊驥來學于介甫介甫命從先
生學及調光州司法參軍獻疑獄四五事介甫在
政府皆如所請任滿入京介甫勉令試法不應又
令于雋壻黎東美論意將辟爲修經局檢討皆力
辭且曰丞相一旦當軸發言持論無非以官爵爲
先所以待天下士亦淺矣果欲援俠而成就之取
其所獻利民便物之事行其二三使進而無愧不
亦善乎介甫爲先生第一知己至于義利之辨不
稍詭隨如此若先生乃可以報知己矣

跋道鄉集

鄒忠公浩道鄉集四十卷其子柄栩所編有李忠
定公序邵文莊後序正德七年壬申重刊本也道
鄉立朝大節在諫立劉后論章惇二事其立后疏
古今仰之如泰山北斗至劾章惇三疏其二云元
祐之朋黨方絕後來之朋黨又熾其三云惇在元
祐初詆斥先帝保甲之法以爲非是其言甚力自
陛下躬攬以來凡語及先帝者槩從竄逐惟惇久
置不問云則是薰蕕不分且躋惇于元祐諸君子
之列其言詩矣無怪蔡京立黨人碑而惇倖竄名

其不也先生受學程門而特嗜禪理詩文多宗門語居衡昭時古詩有似樂天處格詩深穩與葉石林工力相敵北宋之雄也零陵有市戶呂絢者嘗以錢二百萬造大舟以俟後先生北歸呂以舟送至江南先生謝以五絕句云平生親友漫紛紛有幾書來寂寞濱二十萬錢捐不惜可憐湖外有斯人瀟湘起柁出江湖日日乾坤展畫圖白酒紅魚對妻子鴟夸還似此行無若絢者抑何可使其無聞哉

跋嵩山集

晁以道說之嵩山集十九卷有邢居實墓誌云趙括少談兵而父奢不能難者非不能難也不欲怒之也劉歆之異同其父向者非為斯文漢廷與新室不可並處也如惇夫與父尚書則于斯文而不能難者也是曾參之事點也非曾元之事參也又曰魏武之子倉舒十三歲而存則漢之存亡雖未可知必不至于殺荀文若輩矣前輩立言婉而直如此

跋鐔津集

鐔津集十五卷宋僧契嵩著嵩作非韓三十篇在

集中其詩多秀句如習忍如幽草觀身類片雲桑柘雨中綠人煙關外疎天岸日將出田家鷄更號好山沿岸去驟雨落花來雲迷飛鳥道雨出古龍湫明月出已滿白雲歸未多皆工夢梁錄云姓李字仲靈嘉祐中進輔教編賜號明教禪師林閒錄嵩明教初至開先主者命掌書記笑曰我豈為汝一杯薑杏湯耶乃去之西湖坡公所云契嵩禪師多嗔人未嘗見其笑者是也

跋唐鑑

范渚祖禹唐鑑二十四卷呂東萊祖謙注有渚自序及元祐元年二月二十八日上太皇太后及哲宗表三通明弘治十年知武進縣鼓城呂鏜刻也此書凡三百六篇據自序及表本十二卷伯恭析為二十四卷耳近有石門呂畱良晚村重刊本其子葆中以貽予葆中字無黨

跋東觀餘論

宋雲林子黃伯思長睿東觀餘論上下卷秀水項氏校刻大字本彷彿宋槧後附李忠定公撰墓誌銘末有子訥紹興丁卯後嘉定中樓攻媿序訥云紹興初寓居福唐以先人祕閣學士校定杜子

美集二十二卷槧本流傳忠定稱其有東觀文集一百卷又序其校定杜工部集云武陽黃長睿父博雅好古尤篤喜工部詩用東坡之說隨年編纂以古律相參先後始末皆有次第然後子美之出處及少壯老成之作粲然可觀自開元全盛之時迄于至德大曆干戈亂離之際詩凡千四百四十餘篇長睿父官洛下與名士大夫游又得逸詩數十篇參于卷中及在祕閣得御府定本校讐益號精密非世所行者比忠定此序作于紹興六年丙辰距長睿之歿十有七年雲林博雅擅宋代編校必精今其書不知尚傳否錢牧翁注杜詩極駁梁權道魯書黃鶴之徒而獨取樊晃吳若本卽無一字及長睿當是未觀其書吳若本自序雜引樊晃開運二年官書王介甫宋景文黃魯直陳無已晁以道諸家亦無一語及長睿按若序作于紹興三年而長睿書刊于紹興六年則未見此書明矣唯胡仔所見八本有長睿校定杜工部集記之俟訪于藏書者

跋元祐黨籍碑

元祐黨籍碑初籍定元祐黨止數十人世

後乃汎濫人以得與爲榮而議者不以爲當也張文簡綱華陽集有紹興閒進劄子云臣等看詳黨籍人姓名見於碑刻者有二本一本計九十八人一本三百九人內九十八人係崇寧初所定多得其真其後蔡京再將上書人及已所不喜者附麗添入黨籍汎濫雜冗遂至三百九人看詳得九十八人內除王珪不合在籍自餘九十七人多是名德之臣所有三百九人除九十七人係前石刻所載其餘更有侍從上官均岑象求餘官江公望范柔中孫諤鄧考甫等六人名德亦顯然可見共計一百三人依得累降推恩指揮許子孫陳乞恩例云宰臣文彥博等七人執政梁燾等十六人待制以上蘇軾等三十五人餘官秦觀等三十九人以此考之蔡京手定黨籍原有二本南渡合二本詳定爲三本王伯厚小學紺珠載三百九人乃京第二本龔頤正列傳譜述一百卷凡三百五人又不可詳者四人亦據第二本也今此碑列章惇李清臣張商英賈易楊畏輩蓋亦第二本未經南渡詳定者慮爲諸賢之玷故詳著之云

跋嵩山碑

門人查嗣琛德尹遺書山碑刻五一啟母石關漢篆一唐文皇御製少林寺碑上方橫刻御札稱太尉尚書令陝東道益州道行臺雍州牧左右武侯大將軍使持節涼州總管上柱國秦王世民三十字又上橫刻云已上七字開元神武皇帝書蓋碑額也則天御製從駕少林寺詩一首書一首司門郎中太子諮議王知敬正書一唐大理評事崔琪靈運禪師功德碑一宋潞國文忠烈公先塋石刻皇祐三年七月中書門下牒後列銜者三工部侍郎叅知政事劉戶部侍郎叅知政事高禮部尚書平章事文按綱目仁宗慶曆八年戊子正月以文彥博同平章事皇祐元年己丑八月以高若訥叅知政事三年辛卯三月以劉沆叅知政事是年十月貶殿中侍御史裏行唐介爲英州別駕文彥博免又五年至和二年乙未六月以文彥博富弼同平章事明年嘉祐元年丙申閏三月彥博薦介召還知諫院此牒允潞公奏請而潞公亦得列銜其後蓋宋制然耳皇祐三年三月同平章事宋庠免故平章事惟潞公一人

跋太平治迹統類

太平治迹統類七十三卷宋眉山彭伯川叔融撰略用袁樞通鑑本末例前集四十卷中興後集三十三卷見陳振孫書錄解題趙希弁讀書附志此前集尚有譌闕秣陵焦氏本也

跋清暇錄

是書多刺取諸家小說成之異聞殊少其自署灌園耐得翁未審何許人末卷多述吳興事當是吳興產耳

跋卻掃編

宋代官制最淆亂難稽徐度卻掃編三卷專詳累朝官制沿革同異之故往往與王明清揮塵四錄足相參考有用之書也度爲宰相處仁子處仁靖康初拜中書侍郎不附京貫其在東京之末亦錄中銓銓者歟

跋唐庚眉山集

宋唐庚眉山集二十四卷詩賦十卷雜文十二卷三國雜事二卷紹興二十一年朝奉郎鄭康佐刊於惠州有鄭總呂榮義及庚弟庾子文若庠徐渤與公鈔自何元子家庚自記云詩最難事吾於他文不至蹇澀惟作詩其苦悲吟累日始能成篇史